

Odsjek za njemački jezik i književnost



Univerzitet u Tuzli
Bosna i Hercegovina



FILOZOFSKI FAKULTET
UNIVERZITET U TUZLI



Osnovni podaci

- Odsjek za njemački jezik i književnost u Tuzli osnovan je 1998. godine.
- Od 1998. godine do danas se upisalo više od 1000 studenata.
- Trenutno na Odsjeku postoje dvije uže naučne oblasti: Savremeni njemački jezik i Njemačka književnost.
- Studijskim programom su obuhvaćeni predmeti iz obje oblasti.
- Studij na Odsjeku za njemački jezik i književnost se organizuje u tri ciklusa: I ciklus (nekadašnji dodiplomski studij), II ciklus (master) te III ciklus (doktorski studij).

I ciklus studija

- Studij I ciklusa traje 8 semestara (4 godine).
- Osnovni akademski studij (I ciklus) nosi 240 ECTS bodova.
- Osigurava široko temeljno obrazovanje iz cjelokupnog područja struke.
- Omogućava stjecanje visoke jezične kompetencije u njemačkome jeziku.
- Naziv stečene diplome po završetku studija I ciklusa: bachelor njemačkog jezika i književnosti.
- Prilikom upisa na I ciklus studija prilikom bodovanja se u obzir uzima: opšti uspjeh iz srednje škole, ocjene iz b/h/s i njemačkog jezika te uspjeh ostvaren na prijemnom ispitu.



Prilike za zaposlenje nakon I ciklusa

Prilike za zaposlenje nakon završenog studija njemačkog jezika i književnosti su trenutno izvrsne. U prilog tome govori i činjenica da na biroima za zapošljavanje nema evidentiranih profesora njemačkog jezika i književnosti. Po završetku studija otvaraju se mogućnosti obavljanja sljedećih poslova:

- u institucijama predškolskog, osnovnog, srednjeg i visokog obrazovanja,
- poslova gdje se traži znanje njemačkog jezika, kao što su poslovi u državnim ili opštinskim organima uprave te u diplomatskim predstavništvima,
- u oblastima kao što su: izdavaštvo, novinarstvo, kulturne djelatnosti, turizam i hotelijerstvo, saobraćaj i komunikacije i medicinski sektor,
- studenti nakon završenog I ciklusa studija imaju i prevodilačke kompetencije tako da mogu raditi kao prevodioci u svim poduzećima u kojima je potreban njemački jezik,
- kao sudski tumači,
- diploma koju dobijete na Odsjeku za njemački jezik i književnost priznata je i na području Europske unije što našim studentima otvara mogućnost nastavka školovanja ili pronalaska zaposlenja u zemljama Europske unije.

Prilike za stipendiranje

Studentima njemačkog jezika i književnosti se otvaraju brojne mogućnosti za stipendiranje i studiranje na univerzitetima u Njemačkoj, Austriji ili Švicarskoj. Osoblje Odsjeka za njemački jezik i književnost rado posreduje pri prijavi na stipendiju te odlasku na studiranje u pomenute zemlje. Zahvaljujući našem iskustvu na tom polju mnogi naši studenti su imali priliku da dobiju stipendiju te da studiraju na univerzitetima u zemljama njemačkog govornog područja. Osim toga, studenti Univerziteta u Tuzli imaju mnoštvo prilika da u okviru programa mobilnosti Erasmus+, ukoliko žele, provedu jedan ili dva semestra na nekom od univerziteta Europske unije, čime ulažu u svoju budućnost i poboljšavaju svoju kompetitivnost na tržištu rada.

II ciklus studija

Na drugom ciklusu studija studentima nudimo tri usmjerenja:

1. Lingvistika njemačkog jezika
 2. Njemačka književnost
 3. Metodika nastave njemačkog jezika
- Studijski program *Metodika nastave njemačkog jezika* se izvodi u saradnji sa Univerzitetom iz Jene (SR Njemačka) i Goethe-institutom.
 - Naziv stečene diplome po završetku studija II ciklusa: magistar njemačkog jezika i književnosti
 - Prilike za stipendiranje na univerzitetima u zemljama njemačkog govornog područja su na magistarskom studiju još veće nego na I ciklusu.

III ciklus studija

- Nakon II ciklusa studenti mogu upisati III ciklus studija. Trenutno je u ponudi III ciklus pod nazivom *Lingvistika*.
- Studenti će nakon završenog trećeg ciklusa steći zvanje doktora lingvističkih nauka.
- Studentima se i na III ciklusu nude mogućnosti stipendiranja naučno-istraživačkog boravka na univerzitetima u Njemačkoj, Austriji ili Švicarskoj.

Imate dodatnih pitanja?

Kontaktirajte nas na germanistika@untz.ba

